

## SOALAN LAZIM AKADEMIK

**Q.** Apakah yang perlu saya lakukan jika capaian internet saya tiada/ lemah semasa sesi PdPDT (Pembelajaran dan Pengajaran Dalam Talian) dijalankan?

**A.** Sekiranya anda tidak mempunyai akses internet ataupun liputan internet yang lemah, anda boleh mohon dengan menulis surat permohonan kepada Pengarah Politeknik Balik Pulau untuk mengikuti proses PdP di kampus. Sila berhubung dengan Penasihat Akademik untuk meklumat lanjut.

**Q.** Berapakah kelajuan capaian internet di dalam kampus?

**A.** Ethernet (wired) - 150 Mbps seorang  
Wifi (wireless) - 4 Mbps seorang

**Q.** Saya adalah pelajar semester 2 @ 3 (mengikuti PdPDT sepenuhnya) dan gagal kursus semester lepas, adakah saya perlu hadir ke kampus?

**A.** Sekiranya anda pelajar semester 2, anda perlu hadir ke kampus untuk mengikuti proses PdP kursus semester 1 yang gagal kerana PdP dijalankan secara bersemuka tetapi bagi kursus-kursus semester 2 yang lain, anda teruskan PdP secara dalam talian dari dalam kampus atau rumah sewa. Seterusnya untuk pelajar semester 3, anda ikuti proses PdP kursus semester 2 yang gagal secara dalam talian sahaja.

**Q.** Sepanjang proses PdP di PBU, adakah saya perlu menyediakan sendiri cecair sanitasi dan memakai pelitup mulut dan hidung?

**A.** Cecair sanitasi disediakan di kawasan asrama dan setiap pintu masuk Bilik Kuliah dan Makmal. Anda diwajibkan memakai pelitup muka (*face mask*) sekiranya anda batuk atau selsema serta menghidap penyakit kronik bagi menghindari diri anda dan rakan daripada dijangkiti virus.

**Q.** Apakah sistem aplikasi pengajaran yang akan digunapakai sepanjang proses PdP dalam talian?

**A.** Sistem aplikasi PdP utama bagi pelajar politeknik ialah LMS CIDOS. Pensyarah juga digalakkan menggunakan aplikasi Microsoft Teams atau Google Meet bagi melancarkan proses PdP.

**Q.** Adakah bahan-bahan penilaian seperti kuiz, ujian, tugasan, laporan makmal perlu disimpan?

**A.** Ya, pelajar perlu menyimpan semua bahan penilaian setelah ianya disemak oleh pensyarah dan disimpan di dalam satu fail FOLIO pelajar.

**Q.** Bagaimanakah kaedah pelaksanaan sesi Penasihat Akademik?

**A.** Bagi pelajar yang berada di kampus, sesi bersama Penasihat Akademik boleh dilaksanakan secara bersemuka ataupun dalam talian manakala bagi pelajar yang berada di rumah, ianya perlu dilaksanakan secara dalam talian.

**Q.** Jika saya berada di luar kawasan PBU dan tidak mempunyai akses internet, apakah cara lain untuk saya mengikuti kelas dalam talian?

**A.** Anda perlu berada di dalam kampus atau di kawasan yang mempunyai liputan internet untuk mengikuti kelas secara dalam talian. Anda perlu sentiasa merujuk jadual waktu dan bersedia untuk proses PdP terutama yang dijalankan secara dalam talian.

**Q.** Bagaimanakah kaedah pengajaran dan pembelajaran (PdP) norma baharu yang akan dijalankan di PBU?

**A.** Kaedah Pengajaran Dan Pembelajaran (PdP) adalah seperti berikut:

**Semester 1 :** Pelaksanaan PdP dijalankan secara bersemuka sepenuhnya iaitu pelajar hadir ke bilik kuliah atau makmal komputer mengikut jadual waktu.

**Semester 2 & 3:** Pelajar mengikuti proses PdP sepenuhnya secara dalam talian sehingga 2 Oktober 2020 dari rumah. Bermula 5 Oktober 2020, pelajar akan berada di kampus, maka proses PdP akan dijalankan secara *blended* iaitu kelas teori secara bersemuka atau diteruskan secara dalam talian dan praktikal secara bersemuka.

**Semester 4 & 5:** Kelas teori dan praktikal secara bersemuka.

**Q.** Jika saya mengalami gejala terkena jangkitan COVID'19 semasa proses PdP di PBU berlangsung, apakah yang perlu saya lakukan?

**A.** Sila maklumkan kepada pensyarah kursus yang berkenaan.

**Q.** Bagaimanakah cara pembelajaran pelajar yang belajar dari rumah iaitu bagi semester 2 dan semester 3?

**A.** Pelajar akan belajar secara dalam talian. Pelajar perlu mengikut jadual waktu yang boleh diakses di laman web PBU. Jadual waktu akan dimuat naik pada 27 Julai 2020. Pelajar perlu ikuti semua kelas mengikut arahan pensyarah kursus masing-masing.

Pensyarah akan melaksanakan penyampaian secara siaran langsung (*live*) ataupun pemberian tugasan melalui LMS CIDOS.

**Q.** Saya merupakan pelajar semester akhir dan perlu menyiapkan projek akhir pelajar. Bagaimanakah sesi pertemuan bersama penyelia projek pelajar dilaksanakan?

**A.** Sesi pertemuan dengan penyelia projek boleh dijalankan secara bersemuka.

**Q.** Pada sesi ini, adakah saya perlu mencapai kehadiran 80 % untuk layak menduduki peperiksaan akhir?

**A.** Ya. Kehadiran dikira seperti lazimnya walaupun kelas dilaksanakan secara dalam talian. Bermakna pelajar perlu sentiasa bersedia untuk hadiri kelas walaupun secara dalam talian. Jika kehadiran dikira tidak cukup 80%, pelajar tidak dibenarkan menduduki peperiksaan akhir.

**Q.** Pukul berapakah kelas bermula dan berakhir?

**A.** Kelas paling awal bermula pukul 8.00 pagi dan kelas terakhir tamat pada pukul 6.00 petang. Mohon rujuk jadual waktu masing-masing.

**Q.** Adakah ibu-bapa boleh melihat jadual waktu anak?

**A.** Ya, boleh. Jadual Waktu SESI JUN 2020 boleh dicapai mulai 3 Ogos 2020 di laman web PBU ([www.pbu.edu.my](http://www.pbu.edu.my)) modul Akademik ataupun terus ke pautan <https://pbulim.github.io/JadualOnline/>

**Q.** Adakah saya perlu mengikut jadual perkuliahan yang telah ditetapkan jika PdP dijalankan secara dalam talian (PdPDT)?

**A.** Ya. Pelajar yang belajar secara dalam talian perlu mengikut jadual waktu kelas masing-masing.

Sebarang Kemusykilan atau Pertanyaan Lanjut, Sila berhubung dengan Pegawai kami di talian 04-8689000 (Sambungan 201) pada Waktu Pejabat.